


日本中學校藏書	漢文	圖書室備付	箱
	353		架
2			

柳田文庫
 文庫11
 D 190



卷九
詩

文庫 11
D 190

48-12150

010190558245

尚書印
稱
圖

瓦釜集卷九

元默執徐
平湖立高蘭會

楚薊

詠懷古人七首

酸寒東野老田疇日聳雙肩詠未休莫展雲龍千里志競嗤天地一詩囚家無長物惟安命架有羣
經藉寫憂思入牛毛勤苦索焉知韓柳並名留
旅食昌黎未遇時裁書六上卒珠遺一朝崛起風
雲會八代重興典誥詞健筆雄文天廟器湯盤孔

卷九

鼎帝王師焚油繼晷投閒日，
矻矻窮居若見推。
李杜光苾萬丈長，
江湖落魄寓文章。
許身稷契忠無愧，
抗志神仙氣自昂。
太息熱腸空激烈，
悲歌美酒寄清狂。
或看翡翠隨雲散，
二子風流百世芳。
庾信才華早入神，
暮年詩律更無倫。
屈平哀艷空前古，
宋玉牢愁軼後塵。
絕代詞章傾上國，
百般噉點笑今人。
世途輕薄由來慣，
未損鴻文歷久新。
叔夜風神朗照人，
雞羣鶴立莫爲鄰。
奇才無耦原由命，
雅趣非常不厭貧。
餌木自應年益壽，
養生何

事禍忘身豈徒一曲廣陵散，
顧日鳴絃調絕倫。
聞說雲間陸士龍，
英年積學擅文宗。
圖形故縣胸如鏡，
持論超兄筆有鋒。
好士愛才今有幾，
正言忤俗世難容。
新詩數卷長留藻，
爭似時賢會適逢。
傳經劉向志專精，
太乙來觀感至誠。
曬腹郝隆應首肯，
解頤匡鼎自心傾。
一家采緝多師法，
曠代英豪繫我情。
身世功名雖不顯，
藝文祖述永垂聲。

肝病

年來肝病動經春，
只在匡牀不出門。
讀聖賢書學

何事清閒贏得二毛新
負疴莫夢祖生鞭
竟日逍遙自在眠
觀鬪隙中無
量衆
午窗消盡藥鑪煙

春日花下作

閉戶經年志莫售
無端春色又盈眸
東風不管人
生惱
開徧枝枝玉繡毬
斜陽簾捲雨初晴
一樹梨花動我情
恰怪流鶯強
解意
時來屋角弄聲聲

粥香餠白可人天
蝶舞蜂飛景欲仙
正是春三好

時節故園回首蔽雲煙
爲愛名花次第栽
待時幽賞淺深開
籬邊竹下非
無主笑謝封姨且漫摧
芹澗蔬香過眼移
何嘗敢擅舊丰姿
低枝堪折休
須盡留取清陰冒綠池
老去逢春有幾人
花開花落減芳春
何由且往桃
源住
不許漁郎得問津

上下千古室醉後題壁

斗室書連架
盈觴酒獨斟
竊同元凱癖
愧得孝標

淫虛負三餘業空懷一片心玉溪佳句在平子積
愁深門冷黃金盡交疏白髮侵撫髀游太古掉臂
快狂吟俯仰英賢里逍遙翰墨林此中巖壑具應
勝入山陰

明仇十洲畫煉丹圖歌

畫物易畫人難畫物祇求形與態畫人要得精與
神形似粗疏好摹倣神情縹緲爭毫端周昉士女
妙天下後來仇英亦絕倫此畫流傳雖未久風姿
頗近羲皇淳一人危坐默視藥一人側立辭氣純

旁跪奚奴候爐火息心俯首勤傳薪煙雲明滅斜
陽暮積翠浮空迷紫壇長松三五環壇立青枝錯
落根輪囷山風習習天光淨石路娟娟雲境寬天
空境寂吾俗塵恨不移家寄此身存心養性樂天
命訪問葛翁隨煉丹

述懷集陶四言詩四首

有客有客言息其廬眷言躊躇爰得我娛猗猗原
陸林竹翳如冀缺攜儷董樂琴書載彈載詠濁酒
半壺載言載眺樂是幽居

邁邁時運歲月眇徂願言不獲慨獨在余銜觴無
欣儻石不儲靜寄東軒有琴有書懽心孔洽日居
月諸傲然自足念茲厥初
人亦有言匪善奚敦嗟予寡陋資待靡因庶其企
而抱樸含真花藥分列于茲託根濛濛時雨邈邈
西雲靜言孔念敬茲良辰
我有旨酒雖不懷游慨然寤歎幽人在邱顧慙華
髮徂年旣流春醪獨撫以寫我憂願言懷人遐路
誠悠今也遇之旣醉還休

重和陶靖節先生飲酒詩二十首再次原韻

余素不善飲往往飲少輒醉蓋數十年不
知酒中之趣焉比來病餘氣日益衰血日
益耗時一把盞輒精神煥發宿疾若忘乃
知向之莫知其趣者而今竟莫名其妙矣
余去冬曾次其韻今復爲此非故慕其名
高抑亦中心之嚮往云爾

丈夫不虛生而吾自棄之日月忽云邁優游廢良
時往者不可追來者卒如茲苦行立名譽徒增世

俗疑不如一杯酒，衰病藉扶持。
弱齡不好弄，肆志在雲山。
有志莫予和，孤陋復何言。
言斗酒聚鄰曲，樂此殊忘年。
寥寥身後名，沒世誰為傳。

天地萬物盜，萬物盜吾情。
貪夫務殉利，烈士務殉名。
擾擾風塵裏，匆匆了一生。
醉者渺身世，忘寵亦忘驚。
孔顛醉彌月，身沒名亦成。

蜂蠆竊有毒，鎮日花間飛。
狂飛陷蛛網，哀鳴良足悲。
乃知人間世，萬事莫憑依。
有錢且沽飲，歡焉得所歸。
一觴情獨遠，重觴更忘衰。
寄言全心事，此志慎莫違。

日夕雨不歇，漸遠城市喧。
頽然一榻上，白雲落吾偏。
卽此景無盡，何須錢買山。
蒼竹滿生意，寒鴉作陣還。
直欲呼徐邈，聖賢醉共言。

吾讀歸去來，昨非覺今是。
不求流俗名，豈惜流俗毀。
閒飲撫春醪，匡居聊復爾。
詩酒足尋歡，慰情勝羅綺。

江左滔滔者，放浪目為英。
部郎盜鄰飲，清狂何不

情柴桑吾所師，把酒情亦傾。長吟發幽抱，高岡一
鳳鳴。愧我多無似，庶以酒全生。

青松如高人，蕭然別有姿。嚴冬霜雪勁，不改柯與
枝。偃蹇老深壑，舉俗不知奇。銜杯坐松下，想見古
人爲。壁立挺千仞，孤蹤自不羈。

幽蘭在空谷，春風暫爲開。采采寄所識，聊用寫吾
懷。所識渺難卽，竊恐願常乖。鸞鳳雖在野，枳棘非
所栖。豈特傷素履，深恐汨其泥。矧余抱狷獨，秉性
復少諧。一枝藉持贈，良言幸指迷。俗情貴苟得，吾

志終不回。

衰年惟好靜，晚家城南隅。日暮天氣佳，散步臨前
塗。過客去不息，率爲名利驅。念茲頗自適，悠然趣
有餘。提壺復傾飲，應似深山居。

京洛多達人，挾策長安道。裘馬何翩翩，百計催人
老。盛名豈不榮，一身亦已槁。自非王子喬，能得幾
時好。利那隨化遷，奄忽喪其寶。吾希逍遙公，斗酒
寄塵表。

曉起日初上，庭花正及時。欣然坐花下，得酒莫須

辭生平愛閒逸，會心應在茲。我醉墮香國，了了中無疑。人生行樂耳，古人不我欺。意長世苦短，庸流自擾之。

我家蕭寺東，宅近脩真境。靜夜梵鐘聲，幾度喚愁醒。慨余迂且愚，望道空引領。多病臥茅檐，敢冀囊脫穎。亢倉居畏壘，百世其文炳。

宿雨快新晴，素心自遐至。把臂入花叢，滿日春如醉。芬菲落復開，班荆坐其次。我非避世人，豈效知希貴。開懷各引滿，試領杯中味。

子雲託一廛，寂寞蓬生宅。春酒載從游，門外滿行迹。高論太元經，下視書盈百。何不日高飲，數世守清白。屈身莽大夫，一字誅莫惜。

班馬名聲遠，文章在六經。憶我少年日，學書冀守成。及時不努力，風霜歲幾更。忽忽成衰老，破悶誦黃庭。豈必慕仙去，緱山化鶴鳴。一樽暫相對，酣然遺世情。

吾年十二三，竊慕乘長風。苦被病魔逼，前程付夢中。富貴非吾願，孤微豈望通。幸得酒新熟，何嫌地

良時不再來，好景難再得。今我不尋歡，但爲憂所
惑。感感俗中人，胸中類茅塞。塵事日糾纏，何以入
樂國。不賴酒澆愁，有懷難緘默。

先生在彭澤，飢驅會祿仕。直道非事人，枉道重違
已。折腰未爲失，屈節深可恥。決策來醉鄉，翻然歸
故里。夷齊餓首陽，復此立綱紀。到今悠悠談，謬謂
是知止。我醉都不知，人言總莫恃。

天道一誠耳，人情罕率真。念之五內熱，何人復還
淳。機械日以巧，衣冠日以新。縱橫善持論，不減儀
與秦。寸衷隱溪壑，外貌和光塵。一世尙虛假，孤懷
空效勤。桃源規往路，老幼怡然親。此意久消歇，誰
還復問津。酒是真人飲，興酣爲漉巾。有酒不知飲，
母乃真棄人。

七夕次李義山辛未七夕韻

一年一面便長離，底事仙家好遠期。豈是佳辰惟
此夕，故教良晤不多時。相思竟歲河遙隔，暫聚中
宵步轉遲。省識有才天亦忌，乞靈應悔向蛛絲。

黯爾銷魂惟別離，塵寰每重百年期。如何鳳駕方
臨渡，不爲牛郎住少時。漫惜人間歡易散，可知天
上遇還遲。從來嘉會原非偶，博得因緣髻似絲。

過舊宅

少小時經此地來，託根曾向上林栽。莫思甲第承
先志，不道昆明已劫灰。屈子繫心空自怨，陳王詠
豆獨含哀。閒吟且向牆東避，爲釀松醪待菊開。

敗荷次李義山酬崔八早梅有贈韻

怕寒怯冷委池塘，困頓秋風欲斷腸。兩兩鴛鴦猶
戲水，深深蛺蝶漫搜香。西施網去澄波寂，楚客魂
銷腐草黃。豈必殘荷留聽雨，玉溪妙句擅詞場。

偶感

彼此紛紛一是非，里居寒素願多違。休嫌腐鼠無
滋味，十哲俱從陳蔡圍。

誦維摩經有悟次蘇東坡海市韻

茫茫一氣天地空，人身涉世浮漚中。試看高岸忽
深谷，轉眼荒萊埋故宮。六塵緣影皆虛妄，四大無
常隨化工。至人宴坐外身世，圓融一切降蛟龍。太

空冥冥越諸累，漠然得失如塞翁。是身無我誰還，
有是身無人誰更雄。紹隆三寶持正法，祇園弟子
傳靡窮。吾生多病老江海，每遇持誦心融融。忽焉
不知家屢空，茫乎莫識榮萬鍾。優游茅室日高臥，
清絕常忘歉與豐。俯窺碧水澄秋練，仰視青天磨
鏡銅。天空水淨了無礙，想見靈山上古風。

誦法寶壇經有感，卽題其尾

空卽色，色卽空。欲識山河觀寸衷，明則誠，誠則明。
欲識身心觀太清，太清寸衷各一天。了知萬法皆
心緣，六祖于此獨深契。終朝頓悟超十地，泯然色
相絕凡庸。趺坐高談傳妙義，人生時事波中漚。倏
忽變滅隨湍流，門庭王謝已陳跡。衛霍功名今在
不，清風習習煙含柳。皓月娟娟兔爭走，風清月白
彈指過。武陵桃花亦何有，嗟余潦倒紅塵中。一塵
偃蹇安微躬，瓊樓鬢樹渺何處。欲往求之道路窮，
羨師根性不世出。笑我前程墨似黍，四十年來夢
莫醒。畢身形影空自恤，何當共結香火因。忘懷永
作方外賓，裁詩問法殊不惡。埽地焚香得性真。

秋月吟效長吉體

月波潑天天宇浮，銀漢摩空作澗流。
蟾宮露滴濕煙影，湘妃簾捲虛堂秋。
嬌春桃李逝如水，青簡蠹空壯心死。
不須懷寶泣卞和，世上玉人疇知己。
瓊頭有酒愁奈何，舉杯酌月且高歌。
牽思叩額呼素娥，人生幾見秋風過。
金家香銜果何作，楊雄白鳳終投閣。
病頭陳郎久零落，二豎泥丸苦相索。
棄繻入關時已去，愁吟不覺東方曙。

排愁曲

海外尋仙去不回，海上挈舟心未灰。
眼看飛雨夕陽頽，曾聞盜跖何有哉。
麟鳳虎狼全一穴，青塚黃昏弔明月。
人生快意會幾時，王母蟠桃誰見遺。
浮雲富貴隨去留，春雨秋風歌莫愁。

述二氏書成詠，茲刪存十首都爲一冊。
時取而自歌之，聊以遣興且用閑情。

道德經

人生天壤間，萬事日攻擊。
止之以無爲，物我兩清寂。
雄飛固欣然，雌伏亦不感。
置身塵網中，和光混。

砂礫試誦五千言博太真無敵

胎息經

胎從伏氣結氣從有胎息氣旺則神清氣微則神
熄五行遞盛衰一氣妙生尅謹憑少火生勿使壯
火食養氣以存神元胎從此植

定觀經

我心本自清云何忽多惑我性本自空云何復有
色只緣理未明胸中莽無識陰陽互盈虛茲理非
難測定觀得真筌蓬萊在我側

南華經

莊生外生死嗒焉喪其身非獨不有身抑亦泯乎
人滔滔千萬語筆勢參鴻鈞春雲自舒卷寒泉絕
點塵擬之談禪者清空應罕倫

玉樞經

道以誠而入用以虛而出矢志不紛神乃凝存神
不失道與一異哉造物何狡黠芻狗生民苦奔突
萬緣起滅一塵中七情顛倒幾時歇豈知大道坦
然平至人應物不留物

清靜經

大道從來絕思議，先天而存無端倪。循途漸進，忽相值。一念著想，卽已迷。上德不德，豁然了。下德執德，空勇猛。驪珠拈出，任人看。始知入道，由清靜。

藥師經

吾聞上藥惟金丹，知之不易爲之難。不在祭祀事鬼神，不在導引善屈伸。至人得之心，常存超然三界。登崑崙，茲更不以藥爲藥。明心妙覺，空諸因。區區丹鼎與金液，勞精敝神，何足論。

楞嚴經

一切有爲法，不離心性生。人人具圓理，各各本妙明。因妄則性迷，種種幻爭起。蒙昧罔分辨，認賊乃爲子。佛具大慈悲，人天會多士。指示無上乘，真覺自聞始。可憐塵俗人，窮年憂未已。不知循業緣，役役竟老死。誰知方寸中，靈山晤孔邇。

金剛經

金剛喻至堅，摧物莫不折。直取般若心，了悟十方佛。我非修行人，未悟不生滅。朝夕時游觀，聊以扶

衰疾於意本無云欲讚已忘說

法華經

菩提本無樹法華豈有華但因蓮在水清空莫以
加爲卽衆所識以喻心無瑕一旦了然悟觸處接
釋迦嗟我老耕種詩酒頗放縱學道恨無成逃禪
將焉用丈夫不早計愚賤得輕弄暫尋方外游洗
心細吟誦樂此淡忘機藉破夢中夢

釋悶十四首

一病日高枕蕭然兩鬢殘吾衰真廢物不必避猪

肝

聞道王公子中郎情獨親忘年迎倒屣今日定何

人

陶冶性靈發鍾榮妙品評底須裁阮籍顏鮑盡新

清

吾懷何水部心折沈休文每見深嗟賞憐才信不

羣

子美詩中聖騷臺集大成許身希稷契選理獨專

精

白也才無輩，平生小謝推。迄今多李杜，幾見六朝詩。

休笑蚍蜉撼將軍，大樹牢名成卽麟角。學者只如毛。

繫獄思牽犬，封侯覓爛羊。浮生原是夢，誰復醒黃梁。

官貴令狐氏，何緣東閣窺。背恩橫被議，難沒錦囊詞。

覆瓿爭嗤點，嘔心苦構思。鳳池雖未達，秀句玉清

知

馬革尸堪裹，井蛙妄自尊。丈夫重知己，得失固無論。

士以知希貴，女爲悅己容。支離羣飽粟，僕病合耕農。

縕袍由不恥，貨殖賜貽譏。鏤月自成扇，裁雲好作衣。

莫愈陳琳檄，空傳董杏林。未能外天選，且做倚梧吟。

雪

寒林凍合酒頻傾，暮雪紛紛不肯晴。竹屋孤吟光
有耀，湘簾低捲望偏明。梅花數點映清淺，玉蝶一
庭飛縱橫。軟飽三盃閒領略，箇中況味眇滄瀛。

十一月冬二十有八日張大教習敦瞿自京

惠贈畫梅并題以句，冰雪歲寒意，空山悟
舊因，相思不可寄，寫贈故鄉春，作此酬之。
尺幅遙傳故國春，枝枝寫出玉精神。算來忽又經
年別，飛落蓬門眼角新。

翩然筆勢似關荆，詩到無聲別有情。恨不相攜驢
背上，曉風殘雪並鞍行。

冰雪論交一片心，嶺雲江樹別思深。藥爐酒債年
年事，愧乏瓊瑤報好音。

歲云暮矣，瓶無貯焉，生生所資，有假而不返
者，中夜以思，殊不成寐，竟日乃以酒澆其
塊磊，劇飲大醉，恍若有得，書此以示張子。
蓋張子則亦廉潔自好，取與不苟者。
人心本云淨，容容自擾之，懷愁不成寐，瞠目夜何

其小人喻于利利在靡不爲我亦斯人耳詎無緩
急時均是謀衣食是非復問誰念茲渙然釋撫躬
還自嗤惟君我鮑叔願言析我疑

醉

瓦釜集卷十

平湖 高蘭會 楚薈

柔兆涪灘

仲冬孟煥紅珊二女在家圍爐夜坐與秉禮
分題詠雪詩成呈余點定余自癸巳悼亡
後詩興索然已廢吟三年矣酒後閱之頗
覺興動輒成四韻詩八首

雪意

江上同雲布嚴風一倍尖樵歸山徑寂酒冷客愁

添凍結三千界，寒凝十二簾。會看花頃刻，煮茗賞
茅檐。

雪影

積雪滿林園，繽紛素影繁。黏花空有色，印水潔無
痕。隱約梅鬚漾，模糊蝶翅翻。閒庭人不到，相映一
罇溫。

雪韻

放眼入瑤島，風神獨遠時。皎然離俗相，白也自天
姿。輕妬潘妃步，光欺姑射肌。忘情吾已久，對此輒

情移。

雪艷

艷色人間重，清揚雪共妍。撲簾爭絮舞，隔牖鬪花
鮮。玉樹有餘態，紅閨無此嬌。平生心似石，不覺見
猶憐。

雪味

淡泊承先志，怡然雪獨嘗。滿瓢蘇病骨，一掬醒詩
腸。羨爾涼生齒，清如玉作漿。自憐孤介甚，茲味最
相當。

雪耀

日入不知暝，流暉逼戶庭。自他光有耀，令我日常醒。皎潔明松塢，晶瑩眩竹亭。孫康勤映讀，應復勝囊螢。

雪趣

誰解雪中趣，雪中趣自超。悟時方有得，佳處不須遙。顧我冷然善，使人意也消。梁園賦賓客，只是擾塵囂。

雪聲

村巷絕人跡，門庭滴雪盈。隔牕清睡思，側耳助幽情。響雜風林碎，聲敲瓦屋輕。賞音今更罕，靜聽感平生。

遣懷

風景依然故我存，朝朝暮暮獨銷魂。藥爐茶竈誰關注，罇酒棋枰莫解煩。宋玉陽臺空有賦，襄王幽夢了無痕。愁腸百結何由達，欲寄鱗鴻隔九原。哀感招魂也是癡，天涯海角邈難追。鹿門偕隱終虛願，鴛帳高眠幾度思。杜老嬌兒猶少小，左家弱

女孰扶持早知鏡破無緣合地下知情應亦悲
鵠往鸞飛去日遙愴懷不絕似春潮馬卿善病惟
燈見孫楚長愁賴酒澆蠟燭有心同淚滴遼蓼無
補頓形消浮生聚散原如電惆悵東陽瘦盡腰

別緒

別緒無端白髮新漆燈如豆不相親葛翁丹鼎何
年就望斷城南病渴人

秦臺

鳳去臺空夜似年孤燈相伴幾殘編女蘿山鬼休

思誤怕續靈膠不值錢

吹管秦臺誓始終忽驚消息斷湘中關心紫燕憑
書寄淚漬重湖信不通

冬夜煎藥

我生本是空門子漫來人世無一技榮華名譽早
灰心藥譜方書披滿几殘冬羣動困嚴寒日夕荒
齋庶勤止溺情湯藥殊自嗤竹竈銅鑪時料理前
村賒炭澗汲泉配合陰陽和佐使渣滓煉出元精
凝萬籟不聞聲在水水聲沸處碎跳珠跳珠錯落

聲蠶起大聲隆隆松作濤細聲屑屑蠅觸紙大聲
細聲聒耳喧疾徐高下亂宮徵半甌入口煖回春
味美于蘭厚而旨酒闌茶罷漫品題苦茗香醪未
堪擬君不見子明食木腹忘飢任季服苓夜能視
感余年來病日增頭童齒豁老如此和緩莫逢丹
莫傳豈冀長生久不死雪窗風急火純青霜庭月
落煙飛紫葳苓附桂藉扶衰敢憚髭鬚燒斷鬣

艾如張

艾而張羅黃雀窮黃雀舉矣羅張空鴻門決未央
鐘飲食言笑多兵戎齊人織素平漠中雀以高飛
喪厥躬危哉機發無蹤艾而張羅猶忽逢

巫山高

巫山高不可陟巫水深不可越山高水深天地隔
我欲度之無羽翼臨歧擊劍氣蓬勃男兒屈窮壯
心歇壯心歇良時易鶉衣百結交游闊巖壑嵯峩
天宇碧分明雲路通突兀斷行跡登山涉水空愁
絕列子御風迷不得

有所思

情波孽海思黯然帝遣蕭史下九天彩雲無意戀
人間颼風吹空去渺綿心懸懸思拳拳人莫識私
自憐中抑鬱茫無邊免老蟾寒月下弦明星爛爛
不再圓杜鵑泣蜀積思牽冷露無聲濕心田

行路難

天默默地岌岌長蛇相向涎流血猛獸磨牙伺林
隙狡獍豺獠往來倏忽得人肉以食其甘如蜜江
湖風浪連天黑蛟螭出沒層巖裂東海黃公愁見
迫丹陽許君慘無術乾坤蕩蕩機百出前路茫茫
盡如黍君不見秦時東陵侯今日賣瓜昔搢笏君
不見漢家匡稚圭他年傭作今赤紱誰謂死灰不
復然孰云強梁終莫失莊辛去楚旋執珪文信居
奇忽伏鑕韓魏肘足變倉猝耳餘刎頸還相滅人
心山澤險尤絕山澤之險那容說

將進酒

聯儀狄招太白酒星名飛羽觴醉明月混塵垢忘妍
醜怡然不知天之高茫乎莫識地之厚上古大椿
壽如山爲春爲秋歲八千孔顏道德萬萬年靈椿

前漢匡稚圭世世農
夫術好學元帝時爲
丞相

視之須與間，人生誰比金石堅。有酒不飲歲月遷，
堯舜千鍾孔壺百。子路嗑嗑猶數楹，上下古今羣
聖賢。何人不向醉鄉集，君不見斜陽一坏土。有酒
不到劉伶肚。

上陵

公孫開東閣，賓客盈階級。金風綠葉飛，會見莠生
宅。讀書上窺陶唐虞，秦漢以來代幾除。名卿才士
多於魚，葭管吹灰過眼虛。上陵宮苑聚仙屬，秋娥
踏月睡初足。星姬聯袂舞霞裳，王子耕煙種紅玉。
瓊樓璇闕排空光，瑤草琪花四紀芳。景雲爛漫春
常在，於萬斯年壽命長。

芳樹

芳樹方春發，挽我眼雙青。迎風吐華萼，綠葉何娉
婷。攀條贈素知馨香，懷袖盈盈依依結。深好脉脉寄
芳情，忽忽時事異紛紛。雪霜并雪霜，日浸潤孤芳。
日伶仃，託生雖有命，望秋恐先零。念茲坐長歎，位
涕霑巾纓。

君馬黃

君馬黃貺彼蒼臣驕驕來自唐志四方騁八荒美人駕車馳道傍仰首哀鳴莫見長眼看鴛駘服上襄直趨禁苑意氣揚春山簇隊雲鴈翔柳岸嬌嘶紅雨香行矣美哉游帝鄉良驥野田將安望

碎鏡

誰料溫公玉鏡臺無端摧碎落塵埃笑言俱滅空尋訪不見蒼頭入市來

題壁

魯連輕千金季布重一諾無處寫孤懷循牆數梅

萼

屏風

六曲屏風色色工分明遮隔不通風那知星月無私照徧見朦朧隱密中

西施詠

一入吳宮聲價隆禁門深鎖苧蘿空捧心醜效東鄰女便似西施病不同

王明君

聞道傾城價不貲錢神畢竟勝蛾眉琵琶萬里行

荒外只欠黃金賂畫師

長相思

長相思淚干重秋風一別杳難逢燈悄悄月溶溶
自憐腰轉瘦不覺帶圍鬆明知莫再見苦憶舊時
容

長相思天欲曛朦朧窗外聞啼鳥薄夢醒柔腸繞
月缺時復圓花落枝猶裊可人去不來單情何日
了

自釋

我性迂且直不知世路殊黽勉思從俗汗顏愧庸
奴職此甘勞獨閉門藉守愚雖無鴻鵠志幸脫塵
網拘覽鏡感時事誰作眞丈夫荆卿哭燕市阮籍
哭窮途卞和哭抱璞義山哭遺珠遠嫁哭國色薄
命哭名姝懷才哭鸚鵡思舊哭酒壚我亦欲大哭
竊恐類唐衢古人不復作眇躬空向隅李杜文章
在韓昌黎句寤歌聊自娛

詠懷史事

歲聿云暮塵事方殷維余病軀時得銜觴

靜坐尋思世俗眷念昔人覺所謂不爲利
回不爲義疾不牽制於帷牆不眩惑於讒
說車笠不貳其盟始終不易其志卽求之
古人中殆難多覲慨焉感懷歎息彌襟情
不能默率爾成詠如以爲言之者無罪聞
之者足戒則吾豈敢特藉以自警云爾
青蓮出汗泥亭亭絕點埃松柏歷冬夏蒼蒼不改
姿志士重然諾涉險心莫移匹夫慕名義積金棄
如遺郭李同舟濟范張千里期高風渺今古油然

動我思

翟公署門里貧富見交情淮南歌粟布兄弟互吞
并卓哉鄭子真飄然谷口耕放懷忘利祿肆志恥
逢迎環顧蚩蚩輩驚心雞夜鳴罔知卜式讓習成
灌夫橫錙銖微必較錐刀末盡爭窮途死名利哭
殺阮步兵

燕趙多奇士藺廉尤絕倫秦王逞蠶食虎視連城
珍抗顏折萬乘嬉笑批逆鱗完璧歸故主英風動
四隣虎臣爲欽服負荆甘屈身將相互交結同心

秉國鈞張儀幸存舌李錐巧因人陸陸熱中子
佻何足云

女德無終極蛾眉不讓人清穆如吉甫簧言苦未
伸掇蜂納衣領讒間骨肉親骨肉且如此燕啄亡
天倫況乃尋常侶得毋惑笑頓詩規豔妻煽書戒
牝雞晨吾儕學古訓良言宜書紳賢賢易好色喋
喋罕能仁樓觀笑躡者平原爲殺身持家急分爨
繆彤深怒暝讀書懷自好還當此細詢

直道行三代吾儒尙一誠奈何縱橫口談笑藏刀

兵袁盎惡鼂錯絳侯短賈生智囊卒見殺高才謂
紛更昔賢猶不免偏聽失忠貞而況布衣交酒漿
託弟兄旣罕分金誼曾無挂劔情浸潤骨爲毀萋
菲耳易傾作詩繼趙壹敬告同羣英幸察區區意
勿迷貝錦成

淮陰未虎變受辱出胯間醜顏若無骨饑驅還乞
憐一朝從隆準勳名震人寰爵羞噲等伍位次蕭
曹前千金酬漂母八校擢少年感此慨流俗滔滔
逐物遷轉眼雲泥隔頓忘宿昔緣孫龐成讐敵田

寶傾班聯白首或相負見利輒爭先屈指幾今古
何乃盡同然遂令車笠盟淳風曠代傳出言貫金
石垂輝耀簡編

劉茂從韓福赤眉環而攻備嘗艱與險義不負主
翁李善存孤子閭閻化其忠王忱信死友何論全
始終陸厥謹操守食貧安固窮豫讓感智氏漆身
明寸衷聶政報嚴仲精神貫白虹緬想數君子至
性格蒼穹余亦尾生輩空懷誰與同

於陵有廉士矢志冰雪清內不治生產外不友公
卿嫉人而遁世織屨以謀生人情既罕合天意亦
相傾雖非聖人徒廉潔頗自殊譬之爲巨擘於今
復何如

仲卿奴產子給事平陽府咄嗟封大將還尙平陽
主范睢乃溺餘折脅任捶楚脫身西相秦故人拜
廊廡程鄭出聯車誰嗤是遷虜季子黃金盡妻不
下機杼賜緋牧豕兒衣錦鬪雞豎人生天壤間凡
事難逆觀不聞次公言富貴何常所忽則易他人
高論喚千古

宋人不辨石重之如球琳楚人不識璧輕之如芒
針人情貴目下良寶貨當今在璞玉爭棄錦衣世
共欽勢去親朋闊時來交契深容容多厚福逐逐
空勞心而我亦何事蹉跎二毛侵孫戶經年閉陶
瓶罕一金扶搖莫借力莊惠杳難尋持觴閒索句
聊作座右箴

雨夜閱內子讀畫樓詩集悼未能已情見乎

詞

燈窗人靜雨絲絲手把殘篇涕滿頤卿實閨中我

良友而今誰與助談詩

歲寒借老竟成虛回首秋風恨有餘

余內人歿於秋九十八日

元相悲懷空自遣安仁多病悵何如

追和內子題張文敏公墨梅畫障次朱韋齋

先生答林康民見和梅花詩韻

仲冬己亥日在尾河干凍結水清泚忽看春信到
荒齋一枝綽約畫屏裏韻高豈合作逋妻品潔真
堪邀鶴子披圖想見憑几時得意疾書如土委老
幹離奇勢縱橫寒葩掩映細分理疏疏點墨弄冰

容淡淡輕煙凝玉蕊先生六書天下名至今手筆
芳流齒真行草隸無不佳燕瘦環肥各擅美閒窗
習靜偶寫生尺箋幻出傳千里儵然攜我坐孤山
快把人間俗塵洗

除夕飲醺有感

人生幾何對酒當歌

魏武帝句

樂我今夕五十又過眷

焉四顧直道消磨滔滔皆是惟利揣摩情深氣合
位尊金多交推爭敬指困鳴珂尺布斗粟反面操
戈數奇不偶醉尉來訶慨我浩歎泣涕滂沱有酒

且飲違恤其他憲終環堵商老西河古也如此于
我則那

日往月徂歲不吾需天道幽遠世路崎嶇騏驥閒
棄駑馬先驅文豹在穿狎侮狸狐悲從中來忽焉
忘吾姊弟怡怡兄妹愉愉幼女娟娟雪貌玉膚一
觴一詠聊以自娛世莫我知我無世須人極人巧
吾守吾愚

且曾戲其出... 平湖 高蘭會 楚薊

瓦釜集卷十一

平湖 高蘭會 楚薊

强園作聖

元月曉起敬拜天地祖先像退坐小息遂杜... 門謝客閒閱趙文敏董文敏及我先文... 恪公手書各小楷冊開卷有益莫不豁目... 爽心譬入勃律天西所見無非至寶元日... 得此當卜一年清興或不虛云爰作長歌... 二首記之

春風一夜來，旭日滿窗竹。流年疾如梭，去日苦常
速。曉起盛衣冠，聊盡寸心肅。病軀再拜難，寂坐甘
幽獨。古人不我遺，殘墨幸收蓄。涉世幾風霜，偏許
閒齋讀。開卷絕纖塵，歷覽爽心目。宛然鼎足三，文
苑互馳逐。因茲頗自豪，不厭遇窮蹙。惠子書五車，
鄴侯架千軸。人情貴多文，吾意欣數幅。得少而味
長，眞賞在茅屋。

松雪墨妙凌九州，思翁腕力回萬牛。吾祖文恪起
其後，筆鋒橫掃千人儔。趙書解嘲及封禪，光芒四
顧從赤松游。翻身脫塵縛，願從赤松游。翻身脫塵
縛，棄智絕欲辟穀不食，呼吸三光鍊形易色。合二
五之精英，培元根以再植。歌以言志，願從赤松游。
仙人難猝逢，迢遞白雲封。仙人難猝逢，迢遞白雲
封。葛翁丹鼎其秘莫測，劉向燒金亦莫之得。冥求
無導師，錯誤旋生惑。歌以言志，仙人難猝逢。
九州路未遙，一室心自超。九州路未遙，一室心自
超。天道福謙退，讓是寶強梁。靡愆庸可長，保世變
萬端。情波浩浩歌，以言志。九州路未遙。

卷一
二
感感空煩惱憂傷易用老感感空煩惱憂傷易用
老神役者敝氣衰則槁盜憎主人率莫我好芒乎
漠乎逍遙懷抱歌以言志感感空煩惱

貧士

從來貧士不勝秋千古茫茫恨未休一自騷壇悲
宋玉次寥天氣到今愁

村西豫章行

九月二十三日有爲而作

憶昔村西場豫章列幾行層樓夾大道飛宇曜朝
陽朝陽一何麗烏鵲繞林至交交復啾啾處處可

瓶梅戲詠

室有梅花勝美人銅瓶攀得一枝新疏疏影落虛
窗月漠漠香傳白屋春雪後樽前添嫵媚夜闌燈
靜倍精神遙思傾國傾城色何似幽姿不染塵
玉骨冰容絕可人相親相伴二毛新攜來雪裏猶
含凍位次房中獨擅春自笑荒寒長棄世誰憐冷
淡爲傳神那知素萼高無價天與孤蹤破俗塵
讀蜀志有感諸葛武鄉侯次王半山金陵懷

古韻

受任長驅取蜀江，嗣王不惠輒生降。茅廬至計原
無耦，羽扇高風自少雙。莫挽天心傾漢室，空留籌
策話蓬牕。出師未捷表常在，讀罷思吞酒一缸。
大星中夜落夔江，劔閣崢嶸計日降。八陣韜謀時
莫輩，一家忠孝世無雙。巉巖關塞雄如昔，寂寞祠
堂月滿窗。往事匆匆成鶴夢，放懷惟有醉春缸。

十六日對雨小飲次朱文公對雨韻

日夕雨不歇，柴門斷客至。竹木澹無輝，庭宇聚雲
氣。微風拂衣裾，虛窗濕陰翳。時見一鴉飛，漠漠來
天際。會心不在遙，卽此絕塵思。優游樽酒間，動我
春風意。

讀項易庵花鳥草蟲小冊卽次前韻

結構本天成，匠心用獨至。披圖宛若生，色色有真
氣。蟲飛集草端，蝶舞迷花翳。雙雞得得來，奪食鬪
坡際。筆尖絕纖埃，妙景耐人思。兀坐恣遊觀，舉目
滿生意。

僕病經年，親戚多疏。時維二三兒女，藉以陶
情。昨日孟煥來，今日紅珊來，喜而有作。輒

用病競二韻爲起結以志喜也

二女連日來欣然起予病今晨簷鵲鳴昨夜燈花
迸趨承茅舍溫不尙虛恭敬談餘夜漸闌燈影一
簾淨姊妹樂融融並坐雙珠映兄弟各舒懷姑嫂
互相慶家庭幸歡聚人事多變更得此殊自怡名
利空奔競

黃昏薄飲聚話復作長律一首示孟瑛紅珊
蓬門岑寂晝常關忽覩雙雛次第還小集荒齋欣
動色共斟濁酒起衰顏謝庭慧質原多愧顧氏清
心庶一般老去襟期惟喜聚何由長侍乃翁閒

正月二十有二日天氣驟暖僕病畏寒頗覺
融融然舉體順適賦以志喜

春風疑不到蓬門快得盈軒淑氣暄庭草爭芽浮
翠色煙波流暖漲新痕人如挾纊身加健座去圍
鑪室自溫昂首長空添逸興高吟實欲百川吞

二十三日清晨又雨天氣仍寒卽次前韻復
成一律

風雨瀟瀟亂打門曉來依舊失春暄虛堂簾捲迷

煙影小巷泥凝有屐痕，乍喜殘軀殊活潑。那知中夜異寒溫，倏然一榻渾無意。閒坐含毫吐復吞。

是夕小飲薄醉，復得長律一首，再疊前韻。

燕寂鶯愁晝閉門，滿持春酒暫迎暄。暖來頰上殊多泰，寒退杯中不見痕。义手渾忘吟袖冷，揮毫頓覺綈袍溫。何當伴結高陽侶，劇飲衡茅風雨吞。

二十四日仍風雨且雪，三疊前韻。

飢寒無夢客填門，陰雨連朝總未晴。庭宇雪飛融睡思，池塘沙潤長苔痕。不禁擁絮詩喉噤，且藉前

茶獸炭溫，十載苦吟如島瘦。何人丹篆腹中吞。

二十五日曉雪午霽漸見日光，四疊前韻。

繩作窗樞竹作門，一寒如我絕吹暄。忽看午日亭亭影，瞥覩晴煙淡淡痕。叔夜興高蝸舍爽，仲宣體弱鹿裘溫。不因人熱平生志，竊薄淳于五斗吞。

閒坐口占五疊前韻。

素慕元元衆妙門，逢人不慣作寒暄。達摩面壁原無字，六祖談經豈有痕。故我幸空聲色奉，衰顏全仗藥鑪溫。繁華一夢何年醒，淪落塵寰淚暗吞。

卷十一
二十七、日仍復風雨是日適 母氏家忌感

而有作

霖雨止還作春光總寂寥
闌庭人跡絕深巷屐聲
驕麗日云何往暄風不可邀
淒涼花濺淚惆悵柳
含條莫挽終天別長懷淑景遙
關心雲共暗觸緒
筆難描竹徑添新綠煙溪漲
晚潮積寒愁永夕宿
霧晦連朝礎潤書生蠹泥淤
市遠囂霑濡鶯不語
霖霖蝶無聊孫戶經年閉
曹書次第銷深恩真罔
極弱體已先凋愧負雛烏報
衰慚朽木雕空階簷

溜滴相助涕頻挑

二十八日早起喜晴六疊前韻

關情旭日照柴門霧散雲開幽谷暄
啼鳥枝頭驚
蝶夢落梅牆角破苔痕
一林嫩綠晴光媚十里新
紅麗景溫暫向虛廊閒縱目
風愁雨怨氣全吞

憶女七疊前韻

病軀潦倒雀羅門有女相將共負暄
見我尋常時
一笑辭家暫亦淚雙痕
思懷若渴春如醉別緒無
端坐未溫衰暮愛憐情益甚
消閒頻把綠樽吞

書慨

蕙槁蘭枯幽谷中，紛紛蕭艾概從同。維摩臥病長
遺世，子美緣詩只固窮。謹慎一身陶徑寂，圖書滿
架阮囊空。叔山務學終無補，感憤狂懷氣似虹。
往時未識世途中，伏則爲雌出便雄。遺業蕭條真
似洗，浮生容易已成翁。貧居愧我非周黨，肉食何
人是孔融。滅刺正平空自許，誰傳鸚鵡賦江東。

自題二非圖小影

蓋聞六塵緣影原是幻身四大皆空本無
我相莊之言曰吾身非我有也是天地之
委形也生非我有是天地之委和也性命
非我有是天地之委順也由是言之則今
日之我安知非昔時之和尙異時之和尙
安知非他日之我哉且夫人之生也雜乎
芒忽之間氣變而有形形變而有生既生
而死又死而生則又安知何者是我何者
非我何者我之非和尙何者和尙之非我
哉憶吾自前年癸巳秋悼吾室人去冬又

遭吾大兄之喪，今春復哭吾良友張子笠
溪焉。骨月至親，死生契闊，未有如此之甚
者。而吾亦忽忽浮生半百矣。圓覺經曰：四
大合離，皆各有歸。今者妄身當在何處？卽
知此身畢竟無體，和合爲相，實同幻化。唯
然而我也，和尚也，孰果我，孰非我，又孰從
而別之？時吳門有傳神者，挾其技來吾湖，
爰倩其繪余影，一衲衣，一便服，相與並石
而坐，淡焉漠焉，儼然如覩。故我悠然與萬

化俱游，亦幻亦真，杳乎若忘形骸之所在。
廓乎其泯人物而與之爲一圖，旣成，遂以
二非名之，因復作長律二首詠歌之，以自
省云。

癡兒苦莫了經營，迭面還將假相呈。我是人都
幻境，誰僧誰俗總虛名。空空色色波中月，栩栩蘧
蘧夢裏情。上士達觀一生死，只緣真宰認分明。
偶來人世日相親，一別空山五十春。妄固非真真
亦妄，神常化腐腐還神。細思故我原無我，豈謂殘

身便是身，省識楞嚴河水喻。任他萬物競趨新。

城上烏

城上烏啄池魚，莫返哺背而逋。老烏啞啞遶城呼，
哀鳴嗷嗷口卒瘡。子克成家分路趨，羽毛豐滿營
別居。毋取箕箒父借鋤，面懷德色忘生吾。妻孥被
服麗且都，朋黨比周交相扶。婦姑勃谿競錙銖，兄
弟鬩牆狡有無。大儒發冢傳詩書，小儒斷章取含
珠。富商入粟衣紫朱，嗇夫喋喋聽者愉。人生安用
會閔徒，天下熙熙惟利圖。伯夷讓國作餓夫，尾生
守信死枯株。蕭曹刀筆雄里閭，寒素清白辱於奴。
聖人御宇超唐虞，德被生民徧海隅。親臣輔
相聲價殊，大老參謀宏遠謨。鋤強扶弱羅網疏，星
星不滅燎街衢。涓涓不止成江湖，草野何知知古
初。牧去害馬仁政敷，黃帝以之游華胥。

作詩

作詩無知音，不如不作妙。作詩徒苦心，碎鑿渾沌
竅。

甫也諸侯客，白亦流夜郎。楊王當時體，水死天一

方

劉義竊韓金謂是諛墓物忍饑苦誦詩誰濟身前

急

盧子躡踵也郊寒竟莫售薦盡泰山力何嘗出一

頭

郭李不易逢真知天下少來者復爲誰虛願何時

了

郭縱起鐵冶幾會苦挖揚榮名埒王者光燄也復

長

胃脯筋微耳車騎交公卿灑削薄技也鼎食擬專

戚

尼山儒家祖發憤欲無言真趣在天壤會心詩思

存

我佛因是緣達摩來東土不立一語言面壁作稽

古

史遷下蠶室慷慨傳販脂陸機擅文賦不如鬪雞

兒

文章原小技壯夫薄不爲顧我微且賤云何好作

詩

作詩亦何好，竊附分年考。豈希漢馬班，借爲自敘
彙

獨酌謠

獨酌謠獨酌，還獨謠。上下百千歲，四海未爲遙。古
人不我接，今人難共邀。黠者如黠鼠，橫者如鴟梟。
愚者等木偶，顯者聯班朝。職此成獨酌，對影結友
僚。一酌齊物我，再酌泯塵囂。醉鄉在咫尺，昏昏亦
昭昭。鷓鴣不見大鷓鴣，不覺么。浩然衡茅下，真氣
凌九霄。天地有終極，此心常獨超。

哭張子二十韻

我愧非東野，君真我退之。食貧爭勉勵，見義互箴
規。不獨交文字，相期共險夷。疑難頻指示，宴賞必
肩隨。心契接韓孟，情投勝陸皮。那堪膠漆固，頓爾
死生歧。風雨嗟何及，音容渺莫追。才豐人罕識，學
飽數偏奇。閉戶同孫敬，談經折賈逵。神清黃叔度，
誼重鄭當時。蒿目良朋濶，愴懷古直遺。望雲添慘
惻，把酒倍淒其。入夜空尋夢，挑燈理贈詩。仙樓將

卷十一
協律塵世失雄師，抱璞應終合。藏珍竟未施，青年盟永好。白首忍輕離，子產無爲善。虞翻孰復知，念茲增感慨。揮涕每淋漓，車笠成虛語。煙霞助苦思，作歌聊自遣。閒詠藉舒悲。

題錢六霞生

耀

畫便面蜂蝶花草次坡翁書

鄱陵王主簿所畫折枝韻

幽花不媚人，光艷如嬌女。綽約幾枝開，目眩飛紅雨。草頭蜂兩三，約略空中舉。依依去復來，採蕊隨雙股。非緣筆夢花，豈得春生楮。晴窗時一觀，臨風

真欲語

觀宋方椿年畫蟠桃仙會圖歌卽題卷尾

我欲訪蓬萊，言從赤松子。滄溟萬丈濤，可望不可邇。留看一卷中，舉目靈山裏。其中多仙人，綽約凌風起。上真駕青鸞，子登乘綠駟。誰薦千年桃，弄玉與蕭史。芝草隱層臺，琪花拂素几。爽氣逐人來，清風沁骨髓。遐想經營時，形槁心如死。得象在意先，興到適成此。自非手獨超，信乃神乎技。飄然筆欲飛，恍兮雲生履。何必乘長風，相須騎赤鯉。追隨琴

高仙揮手謝鄰里

謔柳

放盡黃金纒，攜來太液池。漫誇張緒似，競鬪小蠻姿。
葉密緣絲細，條長得露滋。幸逢春正劇，光景一時移。

嘲桃

悵望桃源已隔塵，卽今猶說武陵人。欣逢麗日千般媚，全仗春風一色新。
紅艷自能迷醉目，嬌姿都幸遇芳辰。漁郎原是煙波侶，應合迷途不得津。

讀陰符經張注殊超效李長吉體留題卷末
嵩陽玉冊上清閣，中有璿璣括天地。崆峒授受破天荒，秦皇漢武無由致。
李筌山行時去來，鴻龍不守山爲開道。逢仙姥，示微指，人身自有造化才。
觀天之道立天命，日月交光得真性。橫風吹沙旭日寒，涼月欲明雲影昏。
五行反覆遞相消，百年老木還自燒。聖人指出平陽路，生鐵鑄成大千錯。
十二因緣金轉輪，血凝血散幾人悟。白楊蕭蕭燐火青，蠶書繭紙空留名。
塵世死生日無算，天成丹鼎隨

形散三吳隱者張子還八十老孩深好仙一編細嚼精光出直探明珠向龍穴

傷春吟

東風淚滴蛾眉顰青年綠鬢不知春金釵色麗飛延津紙帳畫屏生暗塵楊柳絲絲不住新桃花流水催暮雲一雙蛺蝶送春老眼看落紅愁不掃黃昏冷雨弔芳草蕙槁蘭枯志空抱

嬉春曲

楊柳岸杏花天春風搖蕩春愁牽翩翩年少都堪憐紅肥綠嫩爭春妍禿襟小袖綺羅鮮尋芳爛用青苗錢東書不覩天地濶惟知一生花裏活誰料寒風起蘋末夕陽背影山光沒

落花

桃紅梨白鬧春晴花落枝頭景便清莫怪人心輕去就東風猶自不長情

春晚經故宅慨然有作

王謝烏衣巷尋常燕子來白雲流樹杪青草蔽牆隈簷漏蛛絲網花飛蝶意猜江南哀庾信感我有

餘哀

韓公畫錦堂，千載尚流芳。苔護重門靜，煙迷古木
蒼。客稀驕犬吠，砂積聚蛇藏。聞說諸南阮，英年氣
自揚。

風景不殊昔，祠堂何處存。壞垣疑虎伏，亂石駭龍
蹲。日極春光迥，廊深日色昏。阿奴甘下策，誰似伯
仁敦。

淮南歌粟布，警句耐吟哦。半萬固多力，馬卿常抱
疴。比隣桃掩映，隔院竹婆娑。竊薄曹明淚，蘇瓊論
不磨。

雲雁各千里，平生心事灰。香殘紅杏落，風妬紫荆
摧。迢遞殘陽暮，綿延滋蔓荄。忘情惟柳絮，只是舞
低徊。

石流

石流涼陽石，經波炙何洋洋。融風吹化隨波颺，石
本堅貞水自涼。水陽石流改故常，佳人有恆天亦
喜。士而二三將安止，佩蘭貞士慎勿與相邇。相邇
循波起，拔本塞原恆心死。

臨高臺

臨高臺感浩歌塵事匆忙壽幾何
天長地久壯心磨環視城郭鬱嵯峨
公侯第宅爭鳴珂美人二八朱顏
酡賓客雜沓肩相摩歡樂未幾哀咽
多時去時來歲月過羊公勒碑涕滂沱
李郎作詩悲銅駝百年身世疾于梭
荒塚纍纍迷山坡吁嗟乎荒塚纍纍
迷山坡眼前黃土昔綺羅

河樓晚眺

春盡江南病未瘳夕陽勸客獨登樓
紅稀綠暗俱無賴燕舞鶯歌暫寫憂
顏巷自來多寂寞梁園從古易交游
不知蜂蝶忙何事爭向煙花鬧處投

山房題壁

燕燕鶯鶯日風風雨雨天時乎來不再
愁也覺徒然靜對青陽景空懷寶劍篇
未堪公幹疾坦腹只高眠眷言聊樂我
不奈熱腸回齊大謀難測邾卑志易摧
楚囚君子也樊圃小人哉幸得秦臺鏡
掩心多見來

荀子儒家者莊生世外人不緣情性惡豈謂虎狼
仁勢異天倫濶金分殊類親自慙孤陋甚花柳閱
時新

題殷上舍銓垂釣小影

雲水興不極一竿恒自怡臨淵宜有羨鼓棹偶垂
絲浪靜隨流穩心閒到處宜應知非避世娛老樂
清時

我本煙波侶翛然遠世情病魔多作惡夙志竟虛
成短榻時高臥扁舟待此生今看圖畫裏重憶五

湖行

采蓮曲

蓮塘水深蓮葉肥吳姬蕩槳逐雲飛薰風吹暖香
滿衣香滿衣日將夕波盈盈情脉脉

朱花的爍照眼明清姿玉貌兩相傾路傍行人魂
共驚魂共驚心乎愛貌生光花弄態

沙棠爲舟桂爲楫目如秋水眉如月嫣然一顧傾
城國傾城國善容儀三五後二八時
二八佳人情渺綿凌波綽約花爭妍可人景色闊

人天悶人天無聊賴整裙腰理襟帶
前溪後溪波浩汗歌喉一串如珠貫清音迢遞續
還斷續還斷意迷離鴛鴦交頸燕差池

野田蘭

幽蘭生野田泥塗日潦倒田夫刈作薪捆束全茅
草

儵然籬落開國香自如故狼藉棄道旁花葉不相
顧

空谷渺難卽靈均去亦遙順風激蕭艾得勢者芳

標

放歌行次汪鈍翁謫仙歌韻

緩步可當車何用慕乘軒晚食可當肉底須艷脯
蹠君不見雲間二陸才華聲望豈云淺一時傾倒
朱門達官見恨晚忽焉橫被讒人挾嫌搆其間若
憶華亭鶴唳追悔卒莫挽我獨年來萬事盡作空
花觀前生原是深山石洞之黃冠初不遠羨林宗
折巾角亦不妄冀王喬控鶴還鼠肝蟲臂由天判
疏食菜羹隨分餐居貧未辦葛翁丹養疴曾燕華

卷十一
池泉吁嗟乎人身天地自難得世事煎熬如火然
那堪溺情陷塵網罔知學道希聖賢使非扣樹足
鹽酪誰識園公是謫仙

瓦釜集卷十二

平湖 高蘭曾 楚薊

悲秋行九章

悲哉秋之氣淒涼結愁思悲哉秋之氣淒涼結愁
思空庭葉落隨風東西伏處者賤牛馬爭蹄清絕
者肅觸目增悽歌以言志悲哉秋之氣
往者白駒馳蹉跎以自遺往者白駒馳蹉跎以自
遺命不可改年不可知盛壯強力曾得幾時瞻仰
日月念念遷移歌以言志往者白駒馳

富貴易爲居，貧病舊游疏。富貴易爲居，貧病舊游疏。倪寬都養王，溥備書。華門圭竇落，莫何如。尊榮富厚名，重璠璣。歌以言志，富貴易爲居。

遑遑欲何爲，人壽百年稀。遑遑欲何爲，人壽百年稀。始終生死賢，聖莫逃。窮通得失過，眼雲消。沈吟哀歎心也，徒勞歌以言志。遑遑欲何爲。

我意蓬萊山，滄海浪兼天。我意蓬萊山，滄海浪兼天。浩然遠懷恍，無挂礙。聞道不真，風雲暗曖。未達一間，昭昭復昧。歌以言志，我意蓬萊山。

願從赤松游，翻身脫塵縛。願從赤松游，翻身脫塵縛。縛棄智絕，欲辟穀不食。呼吸三光鍊形，易色合二五之精英。培元根以再植，歌以言志。願從赤松游，仙人難猝逢。迢遞白雲封，仙人難猝逢。迢遞白雲封，葛翁丹鼎其秘莫測。劉向燒金亦莫之得，冥求無導師，錯誤旋生惑。歌以言志，仙人難猝逢。

九州路未遙，一室心自超。九州路未遙，一室心自超。超天道，福謙退讓是寶。強梁靡愆庸，可長保。世變萬端，情波浩浩。歌以言志，九州路未遙。

感感空煩惱憂傷易用老感感空煩惱憂傷易用
老神役者做氣衰則槁盜憎主人率莫我好芒乎
漠乎逍遙懷抱歌以言志感感空煩惱

貧士

從來貧士不勝秋千古茫茫恨未休一自騷壇悲
宋玉沈寥天氣到今愁

村西豫章行

九月二十三日有爲而作

憶昔村西場豫章列幾行層樓夾大道飛宇曜朝
陽朝陽一何麗烏鵲繞林至交交復啾啾處處可
人意可人天一方鵠鷗氣激昂寒煙紛漠漠涼霧
夜蒼蒼蒼涼積陰滯荏苒流年逝本根旣已摧枝
條各凋敝凋敝亦何有前床恐弗負春風去未來
何以遺厥後厥後邈難知榮枯會有時天道害盈
滿人謀安足爲天人互擊搏茲理豈舛錯傷哉世
澤綿霜雪竟交作霜雪紛以擠時睽天亦睽天晴
雲自淨試還望村西

鞠歌行

世業微喬木零蕙芷芬芳荆棘橫感霜露念弓旌

日月奄忽不暫停，琴焦尾壁連城。用者方珍棄共輕，歲云暮命莫更今。我不樂白髮生，雉爲屨草爲螢。天地茫茫機杳冥。

秋盡

庭樹婆娑生意殘，十分秋色又闌珊。微軀寂寞同雞肋，久病綿延憶馬肝。邳支國有馬肝，轉丹石一粒可以延年。貧賤不思翁子貴，窮愁敢薄孟郊寒。緼袍環堵年來慣，木落天空眼自寬。

陳鳴遠宜罇歌贈錢六霞生

耀

宜罇作者推大彬，後來高手鳴遠陳。匠心獨出世無輩，取材象物俱逼真。水蟲花果各殊製，撲茂細膩肌理勻。邇來人家尙華麗，雞缸寶燒碗絕倫。成窑五彩宣青綠，刻劃精卓工入神。或如李唐沿骨法，或仿宋院麻皮皴。我家世守甘淡泊，竹籬茅舍安清貧。茲器流傳已數代，歷劫莫壞埋風塵。昨搜書篋偶見此，古質恰稱山齋淳。指以羅帕拂以巾，置之案頭時相親。茶餘飯後了無事，摩挲不覺屢顧頻。湘簾煙淨雨初歇，蕉牕客去殘陽新。迴看鼎

盤及玉匣，翻嫌粗俗塵。汚人伊余病，廢絕嗜好衰。
年藉此娛夕晨，卓哉彭城錢氏子。翛然物外寄閒
身，雅與老夫有同癖。泉石爲友花爲鄰，丹青滿壁
詩滿座。邈焉不識珠玉珍，特遺茲罇託素抱。庶幾
共結清淨因。

初冬閒詠

才貧庭宇荒，楓落湘江素。心織竟虛言，舌耕多罕
遇。杜陵老布衣，阮籍悲窮路。我本病閒人，翻經得
閒趣。

嬰賢越石夫，司馬執鞭慕。知己古來稀，解人何處
晤。梅思東閣看，竹嘯南柯寤。孤坐索羲爻，靜消香
一炷。

冬日書懷敬步先文恪公春日閒居韻

柴門習靜噪寒鴉，隱几蕭然日乍斜。一碧山光來
牖隙，半天雲影逗林樞。愴懷鬚髮添潘鬢，愧負圖
書似米家。稽古十年成底事，居貧無夢筆生花。
車馬紛紛溢六衢，愚蒙不識艷金夫。嘔心李賀終
吟舍，懶讀邊生笑學徒。柏子香燒閒索句，霜林果

熟好傾壺巾箱典盡無長物手撫遺詩余家藏先曾祖先王

父先君子詩集均各仔細摹

斗室淒其雪舞勻禦寒幸得甕頭春劉郎早歲空

然荻莊叟窮途感涸鱗薄醉未妨書作枕殘年不

羨劍飛津丹經藥譜從吾好且養梁園善病人

素筆何人嗣好者余家藏有先文恪公龍沙素筆畫障山房睡醒日

悒悒故園臺榭都遭毀時余城西老屋盡被毀去秋水池塘邈

莫尋余大兄秋江先生于去年仲冬捐館舍籬落僅存陶令菊時堦前黃

花猶有四五種尚屬可觀塵寰誰賞伯牙琴傳家忠孝蒙宸

翰余先文恪公蒙聖祖仁皇帝親灑宸翰書忠孝二字面賜有詩恭紀世澤飄

零獨苦吟

敬題 先文恪公恭和

聖祖仁皇帝御韻手書小楷紀 恩詩冊卽次

先文恪公題柳誠懸書度人經真蹟韻

吾祖文恪善歌詠早年海內知名姓餘技兼工歐

褚書歐陽挺拔褚端正 熙朝 聖人文武

姿 奎章宸翰日星送句奇語重奧且淳萬國

九州瞻莫竟是時吾祖城北居讀書陋巷囊螢映

角巾草履樂簞瓢，儒有席珍期待聘。草莽忽被

至尊知，日近

天顏心益敬，賜第周廬

闕

苑西

君臣一德何庸諍，賡歌鸞拜千載逢。明

良際會布寬政，邇來百又數十年

天恩祖澤

有餘慶，子孫世守時敬觀。怒猊抉石比剛勁，晴窗
無事靜臨摩，縱得形似如優孟。坡老襄陽不足多，
思翁松雪差堪競。百行小楷瑩無瑕，練素完好氣
明靚。剛健婀娜雲卷舒，雄深雅健勢爭橫。姿媚遠
溢超輩流，疑授右軍親面命。迄今吳客漫雌黃，辨

析紛紜資談柄。我生萬念悉成灰，筆床茶竈習清
淨。珍藏持贈臨池家，應勝藝林一金鏡。

題倪迂翁墨竹卽次迂翁自題畫竹韻

自問孤懷竊頗豪，臥疴一榻等懸匏。如翁信足衙
官宋，感我空慙僕命騷。曠代卽今原寡耦，披圖何
幸忽相遭。翛然數筆吞千畝，細味高風飽老饕。

仲冬二日對雨夜飲卽疊前韻

連宵陰雨興偏豪，快得春醪酌滿匏。痛飲莫須消
漢史，狂吟不耐讀離騷。銀燈寂歷凍初結，鐵馬鏗

鏘風幾遭我已盡拋塵世事縱情詩酒苦貪饜

讀先文恪公詩集有書趙松雪與中峰老人

七續後四絕句有感敬和

離懷無際亂絲縈差別因緣悼獨生莫謂幻心隨

起滅前賢猶自未忘情松雪翁以魏國夫人管仲

云孟頫與老妻不知前世作何因緣今世遂成三

十年夫婦又不知因緣如何差別遂先棄去使孟

頫栖栖然無所依札中又云承指示卅年陳迹

宛若夢幻但幻心未滅隨滅隨起不能自己者

惆悵鰥魚目不暝殘更閒坐一燈青卅年陳迹原

如夢余與室人亦復只是昏昏醉莫醒札中又云

傷悼痛切

醉夢如在

松雪年過耳順時栖栖尙爾慨此離嗟余半百方

初度四載孤蹤孰我知計室人亡時余年四

十七距今已四載矣

欲和遺詩思不禁中懷惡劣百愁侵那知世及遙

相感字字吟來淚滿襟

讀吳秋士名山記抄題後

平生邱壑病膏肓家住平湖盡水鄉開卷快游山

萬疊蔚然睂角擁青蒼

松梯石棧路重重坐對雲巒興自濃莫道病軀常

閉戶置身時在最高峰

一山纔了一山接，咫尺探奇歷九垓。笑問向平婚嫁畢，曾不五嶽徧游來。

觸目林泉聽有聲，巉巖峭壁案頭生。休嫌紙上瞻陳跡，福地洞天時一行。

縮地移山我未能，峨眉鴈蕩夕長登。允宜潔盥著薇露，信手輕翻墨起稜。

擬蘇東坡書王定國所藏煙江疊嶂圖卽次

原韻

激灑波迷江上山，山光積翠江含煙。雲巒縹緲杳難辨，巖壑嵯峨紛聳然。王郎健筆妙天下，蘇子酣歌詞涌泉。連岡迢遞接千嶂，澄江浩瀚吞百川。憑几再觀情不厭，宛似身親江嶂前。行人未未來江岸，潮平野闊波連天。板橋流水迭隱現，溪花澗草增芬妍。斜穿曲徑入村落，一雙白鷺飛陂田。嗟余恨無縮地術，不然會當移家住幾年。石屋風清雲黯黯，幽林日暮楓娟娟。松杉一帶蔽山寺，就中應有詩僧眠。平生好詩兼好畫，江山清空殆欲仙。借

問君從何處得令吾見此輕萬緣山高水長興不
極快如朗誦莊叟逍遙篇

冬夜閒坐聽兒輩談金陀園之勝欣然神往

卽疊坡翁書王晉卿所藏煙江疊嶂圖韻

吾湖水鄉無片山平生性僻耽雲煙那知勝景自
孔邇聞說名園殊快然百年古木撐雲日一林垂
柳圍澗泉初疑蒼翠暗層閣忽看曠朗開平川峨
峨丹嶂聳樓外瀲灩清流繞檻前風亭月榭擬圖
畫竹塢雲屏迷洞天崇厓峭壁互回抱雕梁繡棟

爭鮮妍逍遙頗暢煙霞趣登臨盡見桑麻田我聞
欣然輒神往臥疴閉戶常經年雪屋風寒人悄悄
紙窗夜永燈娟娟寸心廓落絕塵事斗室棲遲時
宴眠酒熟不嫌習池醉興酣竊比滄洲仙詩成聊
復遙相贈足雖未到非無緣寄言主人招我定何
日爲當續賦靈運山水篇

明沈石田秋山旅涉圖歌再疊前韻

秋來爽氣凝西山水清石潔空無煙岡巒明靜宛
如洗木葉蕭疏重黯然誰期妙手奪天巧憑空結

構巖與泉披圖恍惚入林麓移情不異真山川振
衣嘯傲層崖上訪友聯吟幽澗前谷口青帘隱村
店峯腰翠柏摩雲天蒼松樹樹競奇古綠竹叢叢
紛暄妍有明翰墨推文沈此畫文應讓石田風神
一似趙松雪筆力遠過李公年大癡點染共清潤
彝齋水墨同便娟危峯缺處置茅屋應有幽人高
枕眠細尋畫理同詩趣臥游亦是塵中仙嗟余老
日日昏暗見茲豈非天假緣爲題數語寄幽興請
繼坡翁煙嶂篇

題陳邦華水墨西子浣紗圖三疊前韻

臉似芙蓉眉似山芙蓉濕露脂生煙鶯啼燕語春
正永日暖風和景欲然匠心貌得西施艷一雙眸
子翦秋泉態濃意遠悄無語行行且止來晴川凌
波綽約步生濕羅衣飄颻卻復前山桃爛漫乍晴
候楊柳婀娜宜雨天可憐花柳醉心目閒寫名姬
相鬪妍神妙頗工仇實父精專不減陳芝田翠髻
雲鬟好粧束正是盈盈三五年彩鳳新紗親浣濯
交龍窄袖爭芬娟飛來舞蝶釵頭落驚起棲鴛波

卷十二
上眠嬌。嗚洛水瀟湘女。輕妬陽臺雲雨仙。惜哉令
顏不自愛。沼吳霸越紛黃綠。沈江網去紅顏歇。令
我長歌薄命篇。

盆松歌四疊前韻

聞道喬松生泰山。參天拔地蟠蒼煙。千株萬株氣
蓬勃。誠哉鬱鬱葱葱然。嗟余有志力不逮。抱疴莫
獲游林泉。王粲體弱絕賓客。杜甫囊空老蜀川。雨
餘風靜閒散悶。緩步直到柴門前。門前買得松徑
尺。具體而微別有天。短枝自抱凌雲勢。不與桃李

同芳妍。案頭座右足清供。繁陰亦堪庇硯田。人生
七十古希有。樂意相關曾幾年。巖桂盈香易零落。
海棠惟色空嬋娟。況我年來衰益甚。偷閒時愛匡
牀眠。青衫潦倒伍屠狗。白日昏迷擬醉仙。回頭事
事都虛願。何似茲松結淨緣。特憐歲暮常無恙。竊
慕後凋成短篇。

感舊八詠

雪牕夜飲偶憶舊時釣游之所及親串中
醺飲之地半多廢棄或轉售他姓撫今追

昔不勝慨然各賦五言四韻用舒積懷

竹蔭

清風繇世澤竹屋數追陪
插架書生蠹談詩月上
苔庭深塵不到秋盡桂爭開
轉眼成陳迹無人問
字來

靜學齋

苦憶談經處趨庭幾度過
竹疏簾影淨日暖鳥聲
和奄忽百年易淒涼萬事磨
遺編幸無恙罇酒細
吟哦

雨花居

夢破邯鄲枕遐思花雨天
焚香聊避俗養性借逃
禪愆淡安瓢鉢窗幽隔市
廛何當攜惠遠復此証
前緣

椿樹船室

屋小原如艇漪漪麥浪環
暮雲千里迴斜日一林
閒松老煙含翠苔深石起
斑秋風忽吹散不見片
帆還

靜遠書樓

春風吹雨歇，茲地暢平生。清影几頭落，白雲樓外明。縱橫書滿座，談笑酒頻傾。把袂重相訪，空餘往日情。

瓶山別館

結構瓶山下，年年一葦航。主人歡愛客，春酒醉盈觴。巒翠疑侵眼，花紅欲染裳。只今空想像，觸緒感愁腸。

桐陰書屋

庭梧澹空碧，流影積窗扉。短榻移陰密，幽林過客稀。聽憐疏雨滴，坐愛夕陽微。風景未殊昔，襟懷舉目非。

東序舊廬

憶從少游宅，不到幾經年。江左承家舊，湖東歷歲緜。雪泥空有跡，鄰樹自含煙。往事隨雲散，關心每獨憐。

孤坐

一廛寂寞子雲居，且喜論交遂古初。孤坐漸疏名世士，清心近愛道家書。題橋有志慚霜鬢，夢筆無

花困里胥十卷楞嚴殊自慰不隨莊叟慨枯魚
碌碌塵寰誤久居而今纔得覺生初香燒柏葉閒
參偈瓶插梅花伴檢書伏櫪何須知驥足冥情卽
此到華胥靜觀物我徒勞甚盡似環游盆沼魚
竟日蒲團一席居欲從鵬化二毛初養生自有丹
田寶閉戶慵觀黃石書敢異世人鳴澹泊怕隨流
俗共淪胥布衣砥行終何益贏得班聯蠹字魚

蠹魚次晉陶靖節先生桃花源詩韻

余嘗讀魏叔子集有脈望齋文集跋謂天
下之生莫貴於人莫微於蟲蟲至於蠹魚
則微之微者然且三食神仙字則爲脈望
而與之俱仙甚矣乎其善變也士君子被
服古人誦法其言語文章經乎耳目歷乎
口以入乎腹心所謂食聖賢之字何止萬
千而且言其言書其書及退考其行事往
往出於禽獸盜賊所爲嗚呼抑何不善變
與吾少也善病年未三十卽棄舉子業然
性喜讀書雖祁寒暑雨輒手一編忘倦而

尤好攷論古今來人物得失每見孝子順
孫端人志士未嘗不流連慨慕心艷其爲
人及見貪庸反覆無恥之徒或從俗以富
貴或忍心爲梟獍甚則故家舊族或亦盡
反高曾之矩矱而勿顧者則又未嘗不扼
腕咨嗟發憤痛恨深嫉其爲人夫蠹魚三
食神仙字而爲脈望人有得之者卽可以
仙去竊計余自束髮好蓄書凡六經四子
書外天文地理周秦諸子漢魏百家暨仙
經釋典藥譜方書以迄唐宋人詩古文詞
雖不能多讀然時一瀏覽率心欽口誦而
不忍釋入此歲來忽忽年五十有一矣顏
觸食貧依然故我馬卿善病絕無片長慨
去日之浸多負親恩而罔報不幾蠹魚之
不若乎昔程子有言今人少有能讀書者
如讀論語未讀時如此人旣讀時亦如此
人卽是未曾讀言念及此曷勝忸怩內愧
而白汗交下不止然而悔無及矣今已矣

卷十二
將坐以須老因作此以示世之有志讀書者

嗟余善無紀幸生
聖人世臥疴白日馳多病
韶光逝學愧兼人資行負半途廢秉性復少諧一
榻時閒憩經年閉戶居雅好在詞藝譬彼蠹字魚
紙墨作租稅果腹飽殘編虜也不聞吹快窺老萊
衣冠履絕時製承歡舞堂前千載仰孤詣怕觀反
側徒心獸色爭厲宜豁忘所生蕭朱隙末歲不如
蕞爾蟲蠢然冥無慧三食字神仙變化超仙界吾

人誦詩書本以發蒙蔽日飲聖賢言奚止千萬外
董醇與賈茂有志自深契

遇田舍翁戲贈

坐擁倉箱樓閣重居然萬戶列雄封醉歸別院天
還小夢繞巫山興獨濃漫嚇鷓鴣甘鼠腐滿堆魚
菽樂賓從應門幸有烏龍快一任蔬園鬧蝶蜂

白紵詞

飄輕裾曳長袖洛陽女兒花枝茂勸君不用雙眉
縐且吟白紵爲君壽鳳笙吹暖天地春畫棟凝雲

絃管新人生行樂宜及辰

吳歌巴歛不耐聽綠水襄陽且復停小蠻腰細掌
中輕明粧麗服姿傾城臨風楚舞百娟生玉釵拂
面挂君纓挂君纓邀君顧朝朝暮暮常相親他日
得新莫忘故

紅燭青燈艷綺羅玉壺春酒旨且多美人既醉芳
顏酡凝眉斂笑擬更歌銀箭驚催虬漏殘忽看星
斗落江寒爲歡幾何奈夜闌

長別離

一別終天去不回雪窗復見寒梅開惠書積盈箱
開卷令人傷自來眞賞幾人在能識茅容惟郭泰
鍾期伯牙古難再論交至此增慷慨增慷慨愛莫
代尙想煉陰太上民化去千年還作人巫陽兮巫
陽爲我招魂乘彼白雲翩何姍姍其來云翦燭西
窗重論文

古意

自古無長生孔孟同一死剎那天年終彭祖等殤
子

天地豈不仁萬物自芻狗惛惛夢不醒憫殺漆園
叟

我有無字易無否亦無可窮達聽之天君平不如
我

父母不我棄貽我徑寸珠此珠人皆有窮子棄道
途

環堵貧非病西河義勝肥我則異於是一笑都不
知

形骸同逆旅死生共一條天刑莫能解凡民壽亦

天

鸚鵡

鸚鵡能言語聰明反誤身閉籠增自惜翦翅奮無
因苦負羽殊族翻疑色事人可憐飛舞意空憶鄧
林春

犬

念爾職司戶無才亦孔嘉如何忘警夜偏欲效歌
花幸免殺充饑好傳書到家那堪聲似豹復此亂
喧譁

雜

登場禾黍羽毛豐，輒復昂然氣概雄。豈解宋臆談
學術，慣欺秦法脫樊籠。爲因金距爭人艷，贏得朱
冠照眼紅。虛矯一生殊自得，那知鶴立竟羣空。

長歌行

嚴冬困霜雪，萬物莫不殘。春風應時至，草木盡暄
妍。著花無醜色，紅紫爭芳芬。大氣運天地，榮枯本
自然。人壽百年稀，倏如飄風馳。不見桃李花，方春
弄嬌姿。豈無數旬好，未久旋紛飛。自非古仙人，涉

世曾幾時，子雲不曉事。草元擬軒義，寂寞老窮巷。
空文復何爲。

怨歌行

佳人美芳歲，顏色桃花紅。待時處閨闈，意氣凌春
風。脫簪能納誨，遠嫁堪和戎。懷才殊自異，會貯金
屋中。過時不得意，雲髮成飛蓬。親故日疏遠，箱囊
亦已空。世情善翻覆，人面逐西東。含愁賦紈扇，排
悶理絲桐。一彈再三歎，聊以寫幽衷。幽衷復誰識，
曲盡心無窮。

孤鴈篇次晉陸平原燕歌行韻

鴻翔冥冥鴈莫追，北風捲地沙塵飛。天寒日暮霜
盈墀，孤鴈哀鳴心傷悲。雲天萬里鴻不歸，雁聲淒
其羣侶違。月明欲落殘星輝，銜蘆巡更莫敢棲。隻
影蕭條河水湄，令我感此涕不晞。憂從中來知者
誰，醉酒悲歌杯放遲。

送竈

權尊司命共心傾，跪送雲車此夕行。一點仁心私
自許，憑神功過記分明。俗傳竈神于己丑
日上天白人罪過

分歲了，適見案頭水仙乍開清寒可愛，因取

詩、橐及花並供一席，列茶果酒脯香燭祭
之。

迎新送舊歲方除，得水得仙花乍舒。感我十年勤
苦索，酬勞深夜薦盤蔬。

詩含花韻句尤鮮，花得詩情態更妍。聞說浪仙曾
自祭，也應輸我此因緣。

我本前身姑射徒，偶來塵世作詩癡。而今快共羣
仙飲，借問凡夫知也無。

抄本

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

